

02/04/1997

Herzog diberi sambutan hormat

KUALA LUMPUR, Selasa - Yang di-Pertuan Agong Tuanku Ja'afar mengiringi Presiden Jerman, Roman Herzog untuk upacara sambutan rasmi lawatan rasmi pertamanya ke Malaysia di Dataran Parlimen, semalam.

Herzog, 63, diiringi delegasi 100 anggota termasuk bekas bintang bola sepak, Franz Beckenbauer.

Herzog yang turut disambut oleh Perdana Menteri, Datuk Seri Dr Mahathir Mohamad kemudian memeriksa perbarisan 104 anggota batalion pertama Rejimen Askar Melayu Diraja (RAMD), pimpinan Mejar Rafizi Shariff yang diiringi pancaragam pusat Amor yang berpangkalan di Port Dickson.

Sebelum itu, ketibaannya dan rombongan di Lapangan Terbang Sultan Abdul Aziz Shah di Subang disambut oleh Menteri Luar, Datuk Abdullah Ahmad Badawi dan Menteri Sains, Teknologi dan Alam Sekitar, Datuk Law Hieng Ding yang menjadi menteri pengiring.

(END)